



Broj: 07/2-34/3-2096/21
Velika Kladuša, 08.09.2021. godine

**RADIO TELEVIZIJA
VELIKA KLADUŠA**

Predmet: **OBAVIJEST.-**

Molimo da ovu Obavijest emitujete u programima Vašeg radija u narednoj sedmici, kao i da Obavijest objavite na zvaničnoj web-stranici Radija.

Tekst obavijesti:

Kao i prethodnih godina i u školskoj 2021/22. godini Općina Velika Kladuša će subvencionirati troškove prevoza učenika osnovnih i srednjih škola. Na početku nove školske godine želimo pružiti važne informacije učenicima i njihovim roditeljima o načinu ostvarivanja prava na subvenciju troškova prevoza.

Roditelji učenika osnovnih škola kompletnu proceduru će završiti u osnovnoj školi koju učenik pohađa. Pravo na subvenciju u iznosu od 90% od cijene mjesečne karte imaju roditelji za učenike koji stanuju na udaljenosti od škole manjoj od 5 km, koji koriste javni prevoz, koji putuju u najbližu školu i za koje Ministarstvo obrazovanja USK nije obezbjedilo prevoz. Procedura je vrlo jednostavna, a od dokumentacije je potreban samo otvoren račun u banci na koji će se vršiti uplata subvencije. Dakle, roditelji nemaju potrebu dolaziti u Općinu. Sve što treba, riješit će u Školi i po isteku mjeseca, za koji su kupili mjesečnu kartu za svog učenika, dobit će subvenciju na svoj račun u iznosu od 90% od cijene mjesečne karte.

Pravo na subvenciju za učenike srednjih škola se ostvaruje na osnovu zahtjeva o kojem odlučuje Općinski načelnik. Obrazac zahtjeva i upute o načinu ostvarivanja prava na subvenciju učenici i roditelji mogu dobiti u srednjoj školi koju učenik pohađa, mjesnoj zajednici u kojoj učenik živi ili Šalter-sali Općine.

Zahtjeve za subvenciju troškova prevoza mogu podnijeti roditelji ili staratelji učenika srednjih škola za:

- učenike bez oba roditelja;
- učenike bez roditeljskog staranja;
- učenike sa tjelesnim oštećenjem;
- učenike iz porodice iz koje tri ili više učenika pohađa srednju školu;
- učenike čiji je jedan ili oba roditelja invalid(i) najmanje 80%;
- učenike iz porodice koja je korisnik stalne novčane pomoći Centra za socijalni rad;
- učenike iz porodica koje nemaju nikakva primanja;
- učenike iz porodice iz koje dva učenika pohađaju srednju školu);
- učenike bez jednog roditelja;
- učenike iz porodica koje se izdržavaju od minimalne penzije i
- učenike iz porodica u kojima je prihod po članu domaćinstva manji od 150,00 KM).

Visina subvencije za učenike srednjih škola iznosi 50%, 60% ili 100%, što zavisi od socijalne kategorije, kojoj učenik pripada. Na obrascu Zahtjeva za subvenciju su jasno naznačeni dokumenti koji trebaju za svaku socijalnu kategoriju.

Informacije u vezi subvencije troškova prevoza učenika osnovnih i srednjih škola se mogu dobiti telefonom pozivom na broj: 037-770-030 lokal 231 ili e-mailom: vkkladusa@bih.net.ba.

S poštovanjem.

Obradio: Hilmija Smlatić
Kontrola: Jasmin Šahinović, mag. pol.

Općinski načelnik
Fikret Abdić, dipl.ing

DOSTAVITI:

1. Naslovu,
2. web-stranica Općine i
3. a/a.